

au petit pallais et devant le lougis de Monsieur le Gouverneur qui fust le premier lieu où s'arresta la procession, partant de l'esglise de Saint Jehan, pour reposer le *CORPUS DOMINI* et faire prières et oraisons. Et là furent faictes louanges à Dieu en musique vocalle nouvelle de chant et de lettres, dont voyey la teneur :

L'honneur premier de l'insigne victoire
 Venant de Dieu se rend à sa grandeur.
 A nostre Roy est la deuxième gloire
 Auquel prudence a si bien servy d'heur
 Qu'il est des siens plus rebellés vainqueur,
 Et prest à vainere une armée estrangere.
 Mais ne se peult qu'une louange entiere
 Ne donne actainte au cuer des Lyonnoys.
 D'ung duc royal qui croissant sa lumière
 A débelle l'ennemy des François,
 Dieu donne au Roy pour redoubler nos voix
 L'achèvement selon nostre priere.

Devant le lougis de M. le président Larcher y eust un aultre reposoir du *CORPUS DOMINI*. Auquel lieu, après les prieres ecclésiastiques, ne manqua poinct la musique organique et instrumentalle de haut bois et cornetz à bouquins, avec une allegre armonie et armonieuse allegresse.

Bref, tout ce jour beau et serain fust employé en saintes prières et oraisons à Dieu avec saintes joyes, pour la tant désirée victoire qu'il luy a pleu nous octroyer dessus ses ennemys et les nostres.

En plusieurs places de la dicte ville estoient posez les compagnies de soldats et Suysses qui sont establys pour la garde et deffence de la ville, et tous les harquebouziers ordinaires d'icelle. Ceulx cy estoient arrangez aux deux boutz du pont de Saosne en bon ordre et equipaige, ayans tous en teste morrions la plus part gravez et dorez, bonnes arquebouzes et fourniment de Millan, et tous la corde et mesche ardante en main. Une grande partie d'eulx occupoit tout le Change et lieulx circonvoisins, arrangez des deux coustез des rues où debyoyt passer ladiete